

Broj: 06-03-31-03/6/18
Mostar, 15.01.2018. godine

Na osnovu člana 21., člana 37., člana 84., člana 87. stav (1) i stav (2), člana 88. stav (1) i člana 93. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 20. stav (1) i člana 23. stava (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 18., člana 40. i člana 43. stav (2) Pravilnika za izdavanje dozvola („Službene novine Federacije BiH“ broj 2/17), člana 4., člana 5. i člana 8. Pravilnika o metodologiji i načinu obračuna regulatornih naknada za imaoce dozvola („Službene novine Federacije BiH“ broj 5/17 i 59/17), postupajući po Zahtjevu za izmjenu i dopunu dozvole za rad broj 06-03-31/6/18 od 09.01.2018. godine podnosioca zahtjeva ERDAL d.o.o. iz Sarajeva, Tešanjaska br. 24a, Sarajevo, u postupku izmjene i dopune Dozvole za snabdijevanje električnom energijom – dozvole II reda broj 06-03-367/12/16 od 15.06.2016. godine, Regulatorna komisija za energiju u Federaciji Bosne i Hercegovine – FERK je 15.01.2018. godine na I redovnoj sjednici donijela sljedeće

RJEŠENJE

1. Dozvola za snabdijevanje električnom energijom - dozvola II reda broj 06-03-367/12/16 od 15.06.2016. godine izdata Rješenjem broj 06-03-367-09/12/16 od 15.06.2016. godine imaocu dozvole PRVO PLINARSKO DRUŠTVO d.o.o. iz Sarajeva mijenja se i dopunjuje, te glasi kao u prilogu koji je sastavni dio ovog rješenja.
2. Dozvola za snabdijevanje električnom energijom - dozvola II reda iz tačke 1. ovog rješenja važi do 14.06.2018. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola za rad iz tački 1. i 2. ovog rješenja.
4. Imalac dozvole je obavezan plaćati regulatornu naknadu u periodu važenja dozvole na način i u iznosu koji utvrdi FERK posebnom odlukom.
5. O obavezi plaćanja regulatorne naknade imaocu dozvole će se ispostaviti obavještenje.
6. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv rješenja u „Službenim novinama Federacije BiH“.

Obrazloženje

FERK je 09.01.2018. godine pod brojem 06-03-31/6/18 primio od ERDAL d.o.o. iz Sarajeva Zahtjev za izmjenu i dopunu dozvole za rad u postupku izmjene i dopune Dozvole za snabdijevanje električnom energijom - dozvola II reda broj 06-03-367/12/16 od 15.06.2016. godine imaoca dozvole PRVO PLINARSKO DRUŠTVO d.o.o. iz Sarajeva zbog promjene naziva društva, a 10.01.2018. godine pod brojem 06-03-31-01/6/18 i 12.01.2018. godine pod brojem 06-03-31-02/6/18 i dopune zahtjeva.

Prilikom pregleda potpunosti podnesenog zahtjeva za izmjenu i dopunu dozvole za rad u postupku izmjene i dopune Dozvole za snabdijevanje električnom energijom - dozvola II reda broj 06-03-367/12/16 od 15.06.2016. godine, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev potpun u smislu člana 12. Pravilnika za izdavanje dozvola.

Obzirom na to da su uz zahtjev za izmjenu i dopunu dozvole za rad navedene činjenice i podneseni dokazi na osnovu kojih se može utvrditi stanje stvari, a na osnovu kojih je jasno da podnosilac zahtjeva ispunjava kriterije iz člana 87. stav (1) Zakona o električnoj energiji u Federaciji Bosne i Hercegovine, odnosno iz člana 25. Pravilnika za izdavanje dozvola, FERK je utvrdio da su ispunjeni uslovi za primjenu odredbe člana 43. stav (2) ovog pravilnika.

Na osnovu obrade Zahtjeva za izmjenu i dopunu dozvole za rad podnosioca ERDAL d.o.o. iz Sarajeva i dokumentacije priložene uz zahtjev, izvršena je izmjena i dopuna Dozvole za snabdijevanje električnom energijom - dozvola II reda broj 06-03-367/12/16 od 15.06.2016. godine zbog promjene naziva društva. Osim navedenog, FERK je uočio i potrebu izmjene i dopune navedene dozvole za rad na osnovu člana 93. stav (1) Zakona o električnoj energiji u Federaciji Bosne i Hercegovine, a sve u javnom interesu. FERK je ocijenio da je opravdano izvršiti određena usklađivanja dozvole sa odredbama Pravilnika za izdavanje dozvola („Službene novine Federacije BiH“ broj 2/17). Zbog potrebe izmjene i dopune uslova dozvole za rad, radi preglednosti i lakšeg razumijevanja izmijenjenih i dopunjenih uslova dozvole, te radi ekonomičnosti i efikasnosti postupka izrade, donošenja i objave dozvole za rad, a sve imajući u vidu zahtjev podnosioca i javni interes, pristupilo se izradi i usvajanju izmijenjene i dopunjene Dozvole za snabdijevanje električnom energijom – dozvole II reda imaoca ERDAL d.o.o. iz Sarajeva, koja je sastavni dio ovog rješenja. Uvažavajući sve naprijed navedene razloge, predmetna dozvola za rad je izmijenjena i dopunjena u skladu sa zahtjevom podnosioca, te je usklađena sa odredbama Pravilnika za izdavanje dozvola, s tim da je period važenja dozvole ostao nepromijenjen. Postavljeni uslovi, u skladu sa članom 26. i članom 30. Pravilnika za izdavanje dozvola, stvaraju obavezu ERDAL d.o.o. iz Sarajeva da u rokovima propisanim u uslovima dozvole za snabdijevanje električnom energijom - dozvole II reda iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a
Jasmin Bešo

Dostaviti:

- ERDAL d.o.o.
- Kancelarija sekretara FERK-a
- Sektoru za pravne poslove
- Sektoru za tehničke poslove i licence
- Sektoru za tarife i tržište
- Sektoru za finansije
- Sektoru zajedničkih poslova
- oglasna tabla
- a/a